

清代建築年表

單士元集
第三卷

—

單士元編

紫禁城出版社

第三卷


清代建築年表 三

單士元 編


單嘉玖 整理

李燮平

李燮平 輯補



图三 清乾隆内府繪製京城全圖局部



图四 清代山西榆次學宮圖（引自清《榆次縣志》）

第二編 城池 衙署 倉廩 學校

太祖

明萬曆十五年

丁亥

一五八七

【補】遷居呼蘭哈達南岡新城。

光緒《會典事例》卷九五八《興京城垣》：始祖長白山棟鄂謨輝之野鄂多理城，在寧古塔城西南三百三十里勒富善河西岸。肇祖原皇帝居赫阿拉，係鄂多理城西，蘇克素護河嘉哈河之間。興祖直皇帝、景祖翼皇帝、顯祖宣皇帝皆居之。太祖高皇帝丁亥歲，遷居呼蘭哈達南岡新城。

明萬曆三十一年

癸卯

一六〇三

【補】創建興京城及建州衛城。

《大清一統志》卷五八：興京城周四里，南一門，東二門，北一門。太祖高皇帝癸卯創建。

【補】光緒《會典事例》卷九五八《興京城垣》：癸卯，仍於赫圖阿拉舊址築城，是年，又於建州衛築城，周五里，南一門，東二門，北一門。

明萬曆三十三年 乙巳 一六〇七

【補】增築興京外城。

光緒《會典事例》卷九五八《興京城垣》：乙巳，增築外城，周九里，南三門，北三門，東二門，西一門。

《大清一統志》卷五八：興京城周圍四里……太祖高皇帝乙巳增築外城。

天命三年 戊午 一六一八

【補】築界藩城。

光緒《會典事例》卷九五八《奉天各屬城垣》：天命三年，於瀋陽城西北一百二十里鐵背山上，築界藩城，周圍一里，東一門，又一小城，周圍一百八十步，西一門。

天命五年 庚申 一六二〇

始建東京。

《清聖祖實錄》：康熙二十七年十二月甲辰，恭建福陵神功聖德碑，御制碑文曰：……建元天命……越二年定策征明……五年克遼陽、瀋陽，定議建都，始築東京。

天命六年 辛酉 一六二一

閏二月

【補】築撒爾湖（澹）城。

《清太祖實錄》：天命六年閏二月癸未，築撒爾湖城工竣。

光緒《會典事例》卷九五八《奉天各屬城垣》：天命六年於瀋陽城西一百二十里築薩爾澹城，周圍三里，南與東各一門。

筑東京城垣竣工。

嘉慶《會典事例》卷七二二《盛京工部城垣》：天命六年於太子河邊築城，周六里零十步，高三丈五尺。東西廣二百八十丈，南北袤二百六十二丈五尺。城門八，東嚮者左曰迎陽，右曰韶陽，南嚮者左曰龍源，右曰大順，西嚮者，左曰大遼，右顯德，北嚮者，左曰懷遠，右曰安邊，是為東京城。

天命八年

癸亥

一六二二

【補】建奉天府海城縣新城。

光緒《會典事例》卷九五八《奉天各屬城垣》：天命八年，於海州衛土城東南隅建新城，周圍二里一百步，今海城縣城。增建一門，舊制周圍六里五十步有奇，高三丈四尺，門四。又重建牛莊城，周圍二里九十步。門三。

《大清一統志》卷五九：海城縣新城在舊城東南隅，周二里一百七十六步，門五……天命八年建。

天命十年

乙丑

一六二五

【補】自東京遷都瀋陽。

光緒《會典事例》卷九五八《盛京城垣》：天命十年，自東京遷都瀋陽。舊制，瀋陽城周圍九里三十

步，高二丈五尺，門四，池二重。內廣三丈，深八尺，周圍十里三十步，外廣三丈，深八尺，周圍十一里有奇。

太宗

天聰 元年 丁卯 一六二七

【補】修築通達堡城。

光緒《會典事例》卷九五八《奉天各屬城垣》：天聰初年，修築通達堡城，鳳凰城西北一百里，周圍一里二百十步，南一門，左二里又一城，周圍一里九十步，門一。右二里又一城，周圍一里六十步。

天聰 三年 己巳 一六二九

二月

筑牛莊新城。

《清太宗實錄》：天聰三年二月丙午，車駕次牛莊，環視城郭，命築新城，高二丈二尺有五，加雉堞，除四隅外，每面建腰台四座，諭畢賜督工諸臣宴。

修穆家堡城郭。

《清太宗實錄》：天聰三年二月乙巳，車駕次穆家堡，環視城郭，傾圮者命葺之。

【補】修耀州城垣。

《清太宗實錄》：天聰三年二月丁未，上巡行至耀州，周視城垣，有不堅者命修之。

修海州城垣。

《清太宗實錄》：天聰三年二月戊申，車駕次海州，閱視城垣，命葺其傾頽者。

天聰 五年 辛未 一六三二

十一月

【補】燬大凌河城。

《清太宗實錄》：天聰五年十一月戊寅，上將班師，命燬大凌河城。

增拓奉天府瀋州故城。

《大清一統志》卷六〇：瀋州故城，今奉天府治，遼太祖神冊六年（九二一年），詔徙檀順發於東平瀋州，瀋州之名始此……明洪武二十一年修築故城……本朝天聰五年增拓。

增拓盛京舊城。

嘉慶《會典事例》卷七二二《盛京工部》：天聰五年，增拓瀋陽舊城。

【補】光緒《會典事例》卷九五八《盛京城垣》：天聰五年，增拓瀋陽舊城，其制內外磚石，高三丈五尺，厚一丈八尺，女牆七尺五寸，周圍九里三百三十二步，四面垛口六百五十一。明樓八座，角樓四座。改舊門為八，原築四門，東嚮者左曰撫近，右曰內治，南嚮者左曰德盛，右曰天祐，西嚮者左曰懷遠，右曰外攘，北嚮者左曰福勝，右曰地載，池闊十四丈五尺，周圍十里二百四步。

天聰 六年 癸酉 一三六二

八月

盛京六部衙門工竣。

《清太宗實錄》：天聰六年八月癸酉，工部大臣以六部衙門工竣，奏聞。

建盛京吏部。

嘉慶《會典事例》卷七二四《工部公廨》：天聰六年，建吏部於德盛門街東（後改為將軍署）。

建盛京刑部。

嘉慶《會典事例》卷七二四《工部公廨》：天聰六年，建刑部於天祐門街西。

建盛京學宮。

嘉慶《會典事例》卷七二四《工部公廨》：天聰六年，建學宮於德勝門內東南隅。

天聰 七年 甲戌 一六二三

五月

修岫巖、攬盤、通遠堡三城。

《清太宗實錄》：天聰七年五月壬子，上命督修岫巖、攬盤、通遠堡三城。

【補】修築蘭磬城。

光緒《會典事例》卷九五八《奉天各屬城垣》：天聰七年，修築蘭磬城，鳳凰城西二百四十里，周圍一里十三步，南一門。

天聰 八年 甲戌 一六三四

【補】定瀋陽都城盛京。

光緒《會典事例》卷九五八《盛京城垣》：天聰八年，定瀋陽都城名曰天眷盛京。

光緒《會典事例》卷九五八《興京城垣》：天聰八年，（舊城）名曰天眷興京。

天聰 十年 丙子 崇德元年 一六三六

三月

築噶海城。

《清太宗實錄》：天聰十年三月乙卯，遣貝勒阿濟格、阿巴泰率八固山額真，每甲喇官一員，每牛錄小

撥什庫一名，甲士十五名，往噶海築城。

改開城門名鞏固、靖遠、鎮西。

《清太宗實錄》：天聰十年三月庚申，內院諸臣仿明制度擬新築開城城門名，曰揚威門、昭德門、永安門、興化門、定遠門，進呈御覽。上曰：此等矜誇僭越之字，素與朕意不合，興之、揚之、定之、悉在於天，非人力所能強得也。凡事莫貴於務實，今當以字義切當者書之，遂更名曰鞏固門、靖遠門、鎮西門。

【補】建巨流河城。

光緒《會典事例》卷九五八《奉天各屬城垣》：崇德元年，建巨流河城，廣寧縣城江北二百二十步，

周圍二里，門三。

崇德 二年 丁丑 一六三七

三月

暫停蓋州城工。

《清太宗實錄》：崇德二年三月戊午，蓋州城守梅勒章京李思忠奏言：……蓋州城垣俱係舊築，其土牆不堅者八十三丈，破裂者三十丈，未破裂而不堅者五十三丈……寬限三年，於凡土築及破裂處，俱用磚修砌，庶城垣可以永久堅固……。上覽奏，命暫停今年工作，餘照議修築。

八月

築都爾鼻城。

《清太宗實錄》：崇德二年八月丙辰，以築都爾鼻城，命和碩睿親王多爾袞相度基址，多羅饒餘貝勒阿巴泰率八固山額真，每甲喇章京一員，每牛錄甲士二十二人，夫役十名，前往興工。

崇德

三年

戊寅

一六三八

三月

展築遼陽城。

《清太宗實錄》：崇德三年三月甲子，是日，遣牛錄章京法潭率八人齎敕諭留守盛京諸王，朕曾有旨，命仿都爾鼻城規模築遼陽城，今觀鼻城甚小，朕思大軍出征之後，遼陽乃駐防地，土馬繁眾，城小何以能容，今城基未築，可每面再廣十丈，朕籌畫再三，故有是命。

四月

改都爾鼻城名屏城。

《清太宗實錄》：崇德三年四月庚子，是日，令每三丁出夫一名，竣都爾鼻城工，改名為屏城，賜二門額，一曰安邊門，一曰廣邊門。

【補】會修盛京城。

光緒《會典事例》卷九五八《盛京城垣》：崇德三年，會修盛京，自城至遼河大路，廣十丈，兩旁掘濠，深三尺。

建盛京內務府。

嘉慶《會典事例》卷七二四《工部公廨》：崇德三年，建內務府署於大清門外。

崇德 五年 庚辰 一六四〇

四月

修義州城。

《清太宗實錄》：崇德五年四月庚辰，以……屯田義州，修築城垣。

九月

重修鳳凰城。

《清太宗實錄》：崇德五年九月癸卯，重修鳳凰城。

崇德 六年 辛巳 一六四一

五月

增築歸化城。

《清太宗實錄》：崇德六年五月壬寅，敕諭駐防歸化城固山額真古祿格章京，杭古章京等曰，爾等所居城小濠狹……爾等可於城外築牆，酌量足容爾部之人，其牆高一丈五尺，寬可駐營，牆上通築垛口，四面留門，每門可俱置甕城，況爾地產木甚多，門上及四角各建樓瞭望，牆外俱掘深濠，修理完備，爾等各率官屬兵丁登之。

世祖

順治 元年 甲申

一六四四

【補】設京師觀象台。

光緒《會典》卷八一：設觀象台於京城東南隅，直班滿漢章京各一人，率班首天文生二人，直時天文生六，晝夜觀候。每二時以二人登台輪直，分觀四方。凡五日為一班，月計六班。

《天咫偶聞》卷二：觀象台，在都城東南隅，坵城而起，下為欽天監之外署。台在測算房後，拾級而登。上設儀器九事，順治初，西人湯若望所造。

改建盛京工部。

嘉慶《會典事例》卷七二四《盛京工部公解》：順治元年，改建工部於禮部之南。修河南開封府陳留縣城。

《大清一統志》卷一八六：陳留縣城周七里，門四，池廣一丈五尺，隋大業十年（六一四年）築，明崇禎十年（一六三七年）甃磚。本朝順治元年修。

重建陝西漢中府西鄉縣署。

《陝西通志》卷一五《公署》：西鄉縣署……本朝順治元年……重建。

修湖北黃州府蘄水縣城。

《大清一統志》卷三四〇：蘄水縣城周四里有奇，高一丈五尺，門七，明萬曆二年（一五七四年）建，本朝順治元年修。

重建安徽安慶府安慶府城。

《大清一統志》卷一〇九：安慶府城周九里有奇，門五重，池三，引江水環城為固，宋景定五年（一二六四年）築，本朝順治元年重修。

順治二年 乙酉 一六四五

四月

修理京城貢院。

《清世祖實錄》：順治二年四月辛酉，禮部議覆……京城貢院頽壞，應即修葺。得旨……貢院著即修葺。

六月

雷震大同弘賜堡東門城樓。

《清世祖實錄》：順治二年六月甲寅，雷震大同弘賜堡東門城樓。

修江南贛榆縣署。

乾隆《江南通志》卷二三：贛榆縣署在城中正北，明洪武二年（一三六九年）建，國朝順治二年修葺。

重修江南金壇縣署。

乾隆《江南通志》卷二三：金壇縣知縣署在城西北隅，宋建，順治二年知縣胡延年重修。

修河南開封府滎陽縣城。

《大清一統志》卷一八六：滎陽縣城周五里，門五，池廣二丈，後魏建。明洪武初修，本朝順治二年修。

修山西潞安府屯留縣城。

《大清一統志》卷一四二：屯留縣城周四里有奇，門四，池深一丈，唐武德中土築，明崇禎中甃磚，本朝順治二年修。

修深州饒陽縣城。

《大清一統志》卷五三：饒陽縣城周四里，門三，濠廣二丈，明成化五年（一四六九年）築……本朝順治二年修。

修安徽池州府銅陵縣城。

《大清一統志》卷一一八：銅陵縣城周三里三百四十步，門四，明萬曆中創築，本朝順治二年修。修河南開封府鄭州城。

《大清一統志》卷一八六：鄭州城周九里有奇，門四，池廣四丈，唐武德四年（六二一年）築，明崇

禎十二年（一六三九年）甃磚，本朝順治二年修。

修河南南陽府內鄉縣城。

《大清一統志》卷二一〇：內鄉縣城周八里，門四，池廣一丈二尺，明正德六年（一五一一年）甃磚，本朝順治二年修。

修陝西商州商州城。

《大清一統志》卷二〇六：商州城周五里有奇，門四……元至元中因舊址築，明成化間甃磚，本朝順治二年修。

修河南開封府中牟縣城。

《大清一統志》卷一八六：中牟縣城周六里，門四，池廣一丈二尺，明天順中改築，崇禎七年（一六三四年）甃磚，本朝順治二年修。

順治三年 丙戌 一六四六

修河南陳州府商水縣城。

《大清一統志》卷一九一：商水縣城周四里有奇，門四，池廣二丈，明崇禎九年（一六三六年）甃磚，本朝順治三年修。

重建湖北荊州府荊州府城。

《大清一統志》卷三四四：荊州府城周十八里有奇……舊傳為漢間忠義所築，晉桓溫增建，明初修，萬曆十年（一五八二年）拓修，本朝順治三年重建。

修河南汝寧府上蔡縣城。